

Na osnovu člana 16.tačka 5.Zakona o zaštiti od požara i vatrogastvu FBiH ("Službene novine FBiH", broj 64/2009), člana 13.Zakona o zaštiti od požara Zeničko-dobojskog kantona ("Službene novine Zeničko-Dobojskog kantona", broj 4/04) i člana 25 Statuta općine Zavidovići („Službeni glasnik općine Zavidovići“, broj 5/08 i 5a/08), Općinsko vijeće Zavidovići na 19.sjednici održanoj dana 27.02.2010.godine, donijelo je

O D L U K U

o izmjenama i dopunama Plana zaštite od požara Općine Zavidovići

Član 1.

U Planu zaštite od požara općine Zavidovići („Službeni glasnik općine Zavidovići“, broj 6/A/06), (u daljem tekstu: Plan) vrše se izmjene i dopune kako slijedi:

U poglavlju D. "ORGANIZACIJA ZAŠTITE OD POŽARA" tačka 2.**Postojeća organizacija gašenja požara i njena efikasnost podtačka 2.** mijenja se i glasi:

2.Vatrogastvo čija je osnovna zadaća da vrši gašenje nastalih požara.

“Vatrogastvo onako kakvo je sada organizovano može biti garant uspješnog obezbjeđenja ljudi i materijalnih dobara na području općine Zavidovići. Naime, tu su prisutni neki specifični problemi koji prate osnovne pravce djelovanja kako u dobrovoljnom, isto tako i u profesionalnom vatrogastvu, a vezano za materijalno tehničku opremljenost. Za područje općine Zavidovići organizovati će se Profesionalna vatrogasna jedinica za gašenje požara.. Tako da će pravno postojati organizovano Vatrogasno društvo “Krivaja” Zavidovići, kao udruženje građana i Općinska profesionalna vatrogasna jednica (OPVJ).

SISTEMATIZACIJA OPĆINSKE PROFESIONALNE VATROGASNE JEDINICE (OPVJ):

- Rukovodilac vatrogasne jedinice	1
- referent rukovodilac akcije gašenja požara	4
- referent vatrogasac	10
- referent vatrogasac vozač	4
- referent vatrogasac vozač-autoelektričar	1
- referent vatrogasac vozač-automehaničar	1
- referent vatrogasac serviser I magaciner	1

UKUPNO : 22

DOBROVOLJNA VATROGASNA JEDINICA

Dobrovoljna vatrogasna jedinica za područje općine Zavidovići (DVJ) u skladu sa članom 34. stav 3. Zakona o zaštiti od požara Zeničko-dobojskog kantona („Službene novine Zeničko-dobojskog kantona“, broj 4/04)

U Vatrogasnom društvu „Krivaja“ Zavidovići od strane aktivnih članova društva formira se vatrogasna jedinica snage (18) osamnaest pripadnika starijih od 18 godina, a kroz vatrogasnu sekciju djeluje podmladak sa (20) dvadeset pripadnika mlađih od 18 godina starosti. Stalni ciljevi i zadaci vatrogasnog društva su rad na konstatnom omasovljavanju i stručnom osposobljavanju aktivnih članova društva, shodno Planu i programu sa ciljem dobijanja stručnih kadrova za vršenje poslova gašenja požara, spasavanja ljudi i materijalnih dobara.

Tehnička opremljenost Profesionalne vatrogasne jedinice


Općinska profesionalna vatrogasna jedinica koristi sljedeća vozila

Red. broj	N a z i v	Oznaka	Jed. mjere	Količina
A	VATROGASNA VOZILA			
1.	Navalno kombinovano vatrogasno vozilo sa pripadajućom opremom i alatom voda-pjena VP 4000/400, cisterna 4000 lit., pumpa 1600 lit./min. pri 8 bara, bacač vode 1600 lit./min., rezervoar za pjenilo 400 lit., sjedišta 1+5, (FAP 1314), Godina proizvodnje : 1983-1985.		kom.	1
2.	Navalno kombinovano vatrogasno vozilo sa pripadajućom opremom i alatom voda-pjena VP 4000/400, cisterna 4000 lit., pumpa 1600 lit./min. pri 8 bara, bacač vode 1600 lit./min., rezervoar za pjenilo 400 lit., sjedišta 1+5, (FAP 1314 FF) Godina proizvodnje : 1977-1980.		kom.	1
3.	Prateće vatrogasno vozilo auto-cisterna V-7000 sa pripadajućom opremom i alatom cisterna 7000 lit., pumpa 1600 lit./min. pri 8 bara, sjedište 1+2, (TAM 190 T 15 BG), Godina proizvodnje : 1987-1990.		kom.	1
4.	Navalno kombinovano vatrogasno vozilo sa pripadajućom opremom i alatom voda-pjena VP 4000/400, cisterna 4000 lit., pumpa 1600 lit./min. pri 8 bara, bacač vode 1600 lit./min., rezervoar za pjenilo 400 lit., sjedišta 1+2 (FAP 13 S), Godina proizvodnje : 1973-1975.		kom.	1
5.	Vatrogasna Trokraka Hidraulična Platforma THP-21 m¹ sa pripadajućom opremom i alatom okretna 360°, dohvata od uporišta 16 m ¹ , dopušteno opterećenje 3200 N (300 kg), pogon hidraulični, vatrogasna mlaznica za vodu, (TAM 170 T 14), Godina proizvodnje : 1984-1986.		kom.	1
B	OSTALA PRATEĆA VATROGASNA OPREMA			

Na osnovu podataka o postojećem stanju materijalno tehničkih sredstava za rad, gašenje požara i spasavanje materijalnih dobara može se zaključiti da OPVJ raspolaže sa dovoljnom količinom i vrstom opreme za gašenje požara, ali kvalitet opreme je nezadovoljavajući jer je ista takoreći "istrošena" i dotrajala. Dežurstvo se odvija prema Planu angažovanja.

U gašenju većih požara učestvovati će OPVJ i po mogućnosti Udruženje građana vatrogasno društvo „Krivaja“ Zavidovići..

ORGANIZACIONA ŠEMA OPĆINSKE PROFESIONALNE VATROGASNE JEDINICE



Član 2.

Ova odluka stupa na snagu narednog dana od dana objavljivanja u „Službenom glasniku općine Zavidovići“.

OPĆINA ZAVIDOVIĆI
 - OPĆINSKO VIJEĆE -

PREDSJEDAVAJUĆI
 OPĆINSKOG VIJEĆA

Broj: 01-05-5660/09
 Dana: 27.02.2010.godine

(M.P.)

ing.Radosav Petrović, s.r.